



2021

TETĒPA-ÀTOPA-NOVEMA 2000

Te rai âpī e te fenua âpī	
Àpotarupo 21/1-7	13
Tamahou.....	17
To ù Aratai/Tiàrama.....	19
Matahiapo.....	21
Te Atua Metua	
Ruta Èv. 11/1-13	23
Tamahou n° 1	27
Tamahou n° 2.....	29
Tamahou n° 3.....	31
Tamahou n° 4.....	33
Tamahou n° 5.....	35
To ù Aratai/Tiàrama n° 1.....	37
To ù Aratai/Tiàrama n° 2.....	39
To ù Aratai/Tiàrama n° 3.....	41
To ù Aratai/Tiàrama n° 4.....	43
To ù Aratai/Tiàrama n° 5.....	45
Matahiapo n° 1	47
Matahiapo n° 2	49
Matahiapo n° 3.....	51
Matahiapo n° 4.....	53
Matahiapo n° 5.....	55
Te Parau i riro mai ei Taata i roto ia letu Metia	
Ioane 1/1-14	57
Tamahou n° 1	61
Tamahou n° 2.....	63
Tamahou n° 3.....	65
Tamahou n° 4.....	67
Tamahou n° 5.....	69
To ù Aratai/Tiàrama n° 1.....	71
To ù Aratai/Tiàrama n° 2.....	73
To ù Aratai/Tiàrama n° 3.....	75
To ù Aratai/Tiàrama n° 4.....	77
To ù Aratai/Tiàrama n° 5.....	79
Matahiapo n° 1	81
Matahiapo n° 2.....	83
Matahiapo n° 3.....	85
Matahiapo n° 4.....	87
Matahiapo n° 5.....	89



1 E ìte atu ra vau i te raì âpĪ e te fenua âpĪ ; ua mou hoì tei mutaa iho raì, e tei mutaa iho fenua ; e aore aè ra e miti. 2 E ìte atu ra hoì au o Ioane, i te òre moà ra ia Jerutarema âpĪ, i te pouraa mai mai ô mai i te Atua i nià i te raì ra, ua faanehenehehia mai te vahine i faanahenehehia no te faaipoiporaa i ta na tâne ra. 3 Ua faaroo atu ra vau i te hoê reo rahi no te raì mai ra, i te nā-ô-raa mai e : « Inaha, tei io te taata ra te tētene o te Atua, e e pārahi o ia i roto ia rātou ra, e ei taata rātou no na, e ei pihai atoà iho te Atua ia rātou, ei Atua no rātou. 4 Na te Atua e horoi i to rātou roimata atoà ; e e òre te pohe, e te òto, e te mihi, e te māuiui, e òre roa atoà ia, no te mea ua mou te mau mea tahito ra. »

5 E ua parau mai ra tei pārahi i nià i te terōno ra : « Inaha, te faaâpĪ nei au i te mau mea atoà nei. » E ua parau mai ra o ia ia ù :

« A pāpai, e parau mau hoì teie mau parau, e te haavare òre. »

6 Ua nā ô mai ra hoì o ia ia ù :

« Ua oti : O vau te Ârefa e te Ômeta, te matamehai e te faahopeà. I te taata hiaai ra, e horoà noa ia vau i te pape ora pihaa ra na na, ia inu o ia. 7 O tē riro ia na te rē ra, no na te mau mea atoà ra ; e ei Atua vau no na, e ei tamaiti o ia na ù. [...] »

1. Te rai âpī e te fenua âpī

Teie tumu parau no te faaâpīraa o teie ao e faahitihia ra i roto i te puta Àpotarupo 21/1-7, e parau pinepine teie i te ìtehia e i te faarohia i roto i te oraraa o te nūnaa Âti-Iuta no terā ra tau. Na Ioane teie mau parau e faahiti nei i roto i te tahi ôrama ta na e ìte ra i te taime no to na hopoi-titī-raa-hia i te motu no Patamo, no to na faaroo i te Metia. Te faaitoito nei o ia i te âmuiraa taata e pārahi ra i Âtia Iti, tei haavihia e te Hau Rōma e tei haafifi atoà i to rātou tiàturiraa i te Atua. I mua i te teimaha no te mau fifi e fārereihia ra e rātou, ua tae roa rātou i te hoê taime i te uiui e, e tano faahou ânei ia tiàturi i te Atua, no te mea te ìte atu ra rātou e ia òre te tahi rāvēa ia ìmihia, e upootià ia te ìno e te pohe. Nā vai te parau hopeà, na te âti ânei, na te pohe ânei ? O teie te huru uiraa ta te Àpotarupo 21 e hinaaro nei e pāhono. Teie rā, ia ìte atoà rā rātou e, e tei roto te âai o teie nei ao i te rima o te Atua, e ta na fā o te faaâpīraa ia i te mau mea atoà. Na teie Atua e horoà i te tahi auraa âpī i teie ao e orahia ra e te taata e te ao âpī o ta rātou e ora atu. No Ioane, te faaòhipa nei o ia i te tahi mau hohoà no te heheu i te ôpuaraa ora a te Atua no te taata nei. Te faaitoito atoà nei rā o ia i te tiàitururaa o te taata faaroo i nià i teie ao âpī e faaineinehia ra no te nūnaa o te Atua.

I roto i teie taidraa, mea rahi roa te mau hohoà tei ìritihia mai no roto mai i te Faufaa Tahito. Mai te peu e, ua moè na teie mau parau i te tahi taime, te faahoi-faahou-hia mai ra i teie nei, ei haapāpūraa e ia tae i te hoê tau e faahuru ê faahou ai te Atua i te faanahoraa o teie nei ao. E hāmani faahou te Atua i te tahi taata âpī, e e mea tano atoà ihoā ia ia faanaho-atoà-hia te tahi vāhi âpī ei nohoraa no na. Teie hoì parau no te ora âpī, e aore ia no te ora mure òre tei faaara-ātea-hia na i te feiā faaroo no terā ra tau, te ìtehia ra to na tupuraa i roto i teie ao e faaâpīhia ra. Te haamanaò-atoà-hia mai ra rā i ô nei, teie parau no te miti e faaòre-roa-hia te reira, no te mea ua riro na o ia i mua ra ei ènemi rahi no te Atua.

2. Te òire âpī o Ierutarema

Àrèa te parau no te òire âpī ia Ierutarema, e tupuraa te reira no te parau tohu i faaite-ātea-hia e Ìtaia 65/17. Eita teie parau e ô i roto i te parau e te tuatāpaparaa a te taata, no te mea e òire teie tei pou mai mai ô mai i te Atua ra, e e tupuraa o ia no te Parau a te Atua. Na te Atua teie mau mea atoà e faanaho nei. I roto i teie òire âpī e haaputupu ai te Atua i te mau mea atoà tei faaâpīhia. E riro rii tātou i te faatoro i to tātou manaò i nià i te parau no te tahi Ètārētia âpī o ta te Atua e ineine nei i te haamau. Te uiraa rā e tano ia uihia : Tei hea ia huru Ètārētia ? Te ìte noa ra tātou i ô nei, i roto i teie Puta Àpotarupo, e tupuraa teie

no te mau parau i tohuhia, e te huru hope òre no te tau o te Atua i roto i te tau o te taata. E haere mai rā te Atua i niā i teie fenua āpī, i roto i to na nūnaa āpī, eita rā o ia e faaea faahou i roto i to na rai.

Nā roto atoà i te parau no teie òire āpī, e ìte atoà ai tātou e, ua upootiā ē na te Atua i roto i to na iho òire moà. Ua tae roa mai teie òire i rotopū i te taata, e te tītauhia ra te feiā atoà tei faahuru-ê-hia e tei faaāpīhia ia riro ei nūnaa moà no taua òire ra. Te Ètārētia tei haamauhia i niā i te fenua nei, te riro noa ra ia o ia ei tāpaò e ei hohoà no taua òire āpī ra, eere rā o ia i taua òire ra, eere atoà o ia i taua Hau o te Atua ra, mai ta te tahi pae e tiāturi ra. Te faaa-u-atoà-hia ra teie òire i te hoê vahine tei ineine no te faaipoipo i ta na tâne. E taa-ê-raa rahi to teie parau i te manaò no te vahine taiāta e vai ra i roto i te Āpotarupo 17. Ua faahiti-atoà-hia na rā te parau no te vahine faaipoipo i roto i te faanahoraa a te mau perofeta no terā ra tau (Ètetiera 16/11-13).

Te tahi fifi e ìtehia ra i roto i teie taiòraa, teie manaò no te « nūnaa » e faahitihia ra i te ìrava 3. Eita e òre eere teie i te tahi noa tītauraa i te hoê pupu taata ia riro ei nūnaa no te Atua, e tītauraa rā teie i te « mau nūnaa atoà » o teie ao nei ia riro ei nūnaa hoê no te Atua, no te mea te ôpuaraa ora a te Atua, eere noa ia no te tahi noa pupu taata, no te tāatoàraa rā o te ôpū fetii o teie nei ao, e e riro o ia ei Atua no rātou. I roto i teie tūātira e hinaarohia ra ia hohoà i rotopū i te Atua e ta na mau tamarii, te faaite ātea noa mai ra te reira i te tupuraa no te parau tohu a Ìtaia 7/14, nā roto i teie parau no te Tamaiti tei horoàhia i teie nei ao, oia hoì o Èmanuera, te Atua io te taata nei.

3. Te nohoraa o te Atua io te taata

E haere mai teie Atua io te taata no te faatiā e no te haamau i to na nohoraa, e te hinaaro mau ra o ia e noho io te taata, i rotopū ia rātou, ei Atua no rātou e ei nūnaa rātou no na, e aore ia e « mau tamarii » rātou na na. Nā taò tei faadhīpahia no te nohoraa o te Atua i roto i te Pipīria, teie ia : « *Shekina* », i roto i te reo hēpera, e « *Skènè* » i roto i te reo herēni (a hiò i te manaò e faahitihia ra i roto i te Ioane 1/14). Ia pāpū te nohoraa o te Atua i rotopū i te taata, i reira noa o ia e tamarō ai i to rātou roimata, e òre hoì te mihi, te òto e te pohe (Ìtaia 25/8 ; 35/10 ; 65/16-19.) Aita teie manaò e tātara noa ra i te tahi haamaitairaa e ravehia no te oraraa o te taata, o te tupuraa rā teie no te tahi rahuraa āpī i roto i te faaroo. E faaòrehia te mau mea tahito atoà (2 Tōrīnetia 5/17), e faaīrohia te mau mea atoà ei mea āpī (Ìtaia 43/19), e ua riro te taata ei ìte no taua mau parau ra, e te faauehia nei Ioane i roto i

te ôrama ta na e îte ra ia pāpāi i taua mau parau ra, no te mea e parau mau anaè teie mau parau.

I roto i teie rahuraa âpî, ua riro te Atua e te Metia ei Ârefa e ei Ômeta no te mau mea atoà. O rāua te haamataraa, te tumu e te fā no te mau mea atoà, tei horoà i te taata i te mau maitai e au no to na oraraa, mai te pape pihaa e te mahana. E hohoà mau teie no te fenua o te tapu tei faaite-ātea-hia i roto i te Faufaa Tahito. E tūâtiraa rahi atoà rā to na i nià i te parau no te Hau o te Atua e faaitehia ra i roto i te Faufaa Âpî. Ua faataahia teie Hau no teie mau mea atoà tei faaâpîhia (1 Tōrīnetia 15/50). Ia faaite noa te maru-metia i roto i to na oraraa e nā roto i ta na fāiraa i te upootiāraa o te Atua i nià i te mau mea tahito. I te taima e auraro ai te taata i teie mau tītauraa, te faaite ātea noa mai ra te reira e ua mou roa te parau o te pohe.



Mai te tauturuhia mai e ta òe Tōmite Haapiiraa Tāpati, na òe e faanaho i te tahi haapiiraa ei òmuaraa i teie matahiti haapiiraa tetepa 2000 / mē 2001.

I roto i te mau tuhaa ìhihaapii i faaineinehia mai, te manaò tumu, eere ia i te vavauraa atu i te hoê tereraa haapiiraa no te faaòhipa ia au i tei rēnìhia atu, o te horoàraa atu rā ra ia òe ra, te tahi mau tauturu tē tià ia òe ia rave ei faanahoraa i *ta òe iho ìhihaapii ia au i te fāito e te huru tamarii i pūpūhia mai ia òe.*

Te fā rahi e tītauhia ra, o te haamātauraa ia te mau tamarii no teie fāito matahiti i te haamauruururaa i te Atua, mai te parau e : *E te Atua e, mauruuru no te ...*

No te ārea tetepa-àtopa-novema 2000, teie te āmaa tumu parau : *Te ùtuafare.*

No te ārea tenuare-fepuare-māti 2001, teie te āmaa tumu parau : *Te ora.*

No te ārea èperēra-mē, teie nā āmaa tumu parau : *Te ora no roto mai i te pape e Te māa.*

O te mau āmaa tumu parau ia i mātìhia mai no te ora i ta tātou tumu parau rahi : *Ìte atu ra vau i te rai âpî e te fenua âpî (Àpotarupo 21,1-7).*

No te âpapa i te mau haapiiraa i faaineinehia mai i roto i te tahi tārena, na òe te reira, mai te tauturuhia mai e ta òe Tōmite Haapiiraa Tāpati, e faanaho māite no teie matahiti haapiiraa âpî.



Mai te tauturuhia mai e ta òe Tōmite Haapiiraa Tāpati, na òe e faanaho i te tahi haapiiraa ei òmuaraa i teie matahiti haapiiraa tetepa 2000 / mē 2001.

I roto i te mau tuhaa ihihaapii i faaineinehia mai, te manaò tumu, eere ia i te vavauraa atu i te hoê tereraa haapiiraa no te faaòhipa ia au i tei rēnīhia atu, o te horoàraa atu rā ra ia òe ra, te tahi mau tauturu tē tià ia òe ia rave ei faanahoraa i ta òe iho ihihaapii ia au i te fāito e te huru tamarii i pūpūhia mai ia òe.

Te fā rahi e tītauhia ra, o te haamātauraa ia te mau tamarii no teie fāito matahiti i te taiò, te māmarama e te tūuàparau i te hoê parau pīpīria mā te ìte ia *Ietu Metia ei Faaora e ei Fatu no rātou* i roto i to rātou oraraa faaroo tei tītauhia ei vāhi e ei tau faaìteraa i te mau tāpaò no te rai âpî e te fenua âpî, ia au i ta tātou tumu parau : *Ìte atu ra vau i te rai âpî e te fenua âpî* (Apotarupo 21,1-7).

No te âpapa i te mau haapiiraa i faaineinehia mai i roto i te tahi tārena, na òe te reira, mai te tauturuhia mai e ta òe Tōmite Haapiiraa Tāpati, e faanaho māite no teie matahiti haapiiraa âpî.



MATAHIAPO

Te rai âpî e te fenua âpî

Âpotarupo 21/1-7



Mai te tauturuhia mai e ta òe Tōmite Haapiiraa Tāpati, na òe e faanaho i te tahi haapiiraa ei ōmuaraa i teie matahiti haapiiraa tetepa 2000 / mē 2001.

I roto i te mau tuhaa ìhihaapii i faaineinehia mai, te manaò tumu, eere ia i te vavauraa atu i te hoê tereraa haapiiraa no te faaòhipa ia au i tei rēnìhia atu, o te horoàraa atu rā ra ia òe ra, te tahi mau tauturu tē tià ia òe ia rave ei faanahoraa i ta òe iho ìhihaapii ia au i te fāito e te huru tamarii i pūpūhia mai ia òe.

Te fā rahi e tītauhia ra, o te haamātauraa ia te mau tamarii no teie fāito matahiti i te taiò, te māramarama e te tāuàparau i te hoê parau pīpīria mā te ìte ia *Ietu Metia ei Faaora e ei Fatu no rātou* i roto i to rātou oraraa faaroo tei tītauhia ei vāhi e ei tau faaìteraa i te mau tãpaò no te rai âpî e te fenua âpî, ia au i ta tātou tumu parau : *Ìte atu ra vau i te rai âpî e te fenua âpî* (Âpotarupo 21,1-7).

No te âpapa i te mau haapiiraa i faaineinehia mai i roto i te tahi tãrena, na òe te reira, mai te tauturuhia mai e ta òe Tōmite Haapiiraa Tāpati, e faanaho māite no teie matahiti haapiiraa âpî.



TE ATUA METUA

Ruta Èv. 11/1-13

1 E te pure ra o ia i te hoê vâhi, e oti aè ra, ua parau mai ra ia na te hoê pipi na na :

– E te Fatu, a haapii mai ia mātou i te pure, mai ia Ioane i haapii atoà i ta na ra mau pipi.

2 Ua parau atu ra o ia ia rātou :

– E nā ô òutou ia pure :

« E to mātou Metua i te ao ra,
ia raa to òe iàa.

Ia tae to òe ra Pātireia.

Ia haapaòhia to òe hinaaro i te fenua nei mai tei te raì atoà na.

3 Hō mai i te māa e au ia mātou i te mau mahana atoà nei.

4 E faaòre mai i ta mātou hara,

te faaòre nei hoì mātou i tei hara atoà ia mātou nei.

Eiaha e faaruè ia mātou e ia roohia-noa-hia mai e te àti ;
e faaora rā ia mātou i te ìno. »

5 Ua parau atu ra o ia ia rātou :

– E tauà to te hoê taata io òutou na, a haere atu ia o ia ia na ra i te tuìraa pō, a parau atu ai ia na e : « E hoa ìno, hō mai na i e toru pāne. 6 Ua tāpae mai nei te tahi hoa o ù ia ù nei, i to na haereà, e aita a ù ia tuu atu i mua i te aro. » 7 E ia parau mai o ia i roto ra, ia nā ô mai ā : « Eiaha e haapeàpeà mai ia ù, ua mau te ôpani, tei nià vau i te roì e tauà mau tamarii atoà, eita vau e tià i nià e hopoi atu i te pāne na òe. » 8 E faaìte atu vau ia òutou : ia mārō rā taua taata ra, òre noa ā o ia i te tià i nià e horoà atu i te māa i te mea e tauà o ia no na, e tià rā o ia i te mārō, a horoà atu ai i ta na i hinaaro ra. 9 E parau atu hoì au ia òutou : e ani, e noaa ia ia òutou ; e ìmi, e ìte ia òutou ; e pātōtō, e ìritihia ia te ôpani ia òutou. 10 O te feiā atoà hoì i ani ra, te noaa ra ia ; e o tei ìmi ra, te ìte ra ia ; e o tei pātōtō ra, te ìritihia ra ia te ôpani ia na. 11 O vai ia metua io òutou nei e hopoi atu i te ôfaì na te tamaiti ia ani mai i te pāne ra ? E ia ani mai i te ià, e hopoi atu ānei i te ôfi eiaha te ià, ia na ? 12 E ia ani mai hoì i te huero moa, e hopoi atu ānei i te pata ? 13 E tenā na, te ìte na òutou i te horoà i te mea maitaì na ta òutou tamarii, ìno noa ai òutou na. E rahi atu ia to òutou Metua i te ao ra i te horoà i te Vārua Maitaì i te feiā i ani atu ia na ra !

1. Te metuaraa o te Atua

Te Atua e haere mai nei e fārerei ia tātou nā roto ia Ietu Metia, te pūpū mai nei o ia ia na ia itehia o ia nā roto i te hohoà o te hoê Metua e hinaaro nei e haafānau i te taata tātaitahi ei tamaiti e aore ia ei tamahine tiāmā. Eere te metuaraa o te Atua i te hoê metua faatitî, eere hoî i te hoê metua haavî, o te hoê rā Metua e faaite mai i te hoê parau tei faatiāmā e tei tuu i ta na mau tamarii tātaitahi i roto i te hoê oraraa tiāmā. Aita te Atua e faahepo mai nei i te tahi mau arataïraa mōrare ètaèta ; aita o ia e hinaaro nei e faautuà i te mau hape nā roto i te hoê haereà haamā e te maoro hoî. I roto i te Ruta Èv. 15/11-32, te tià nei te Atua Metua i te ùputa o te fare, a tiaiaì noa ai i te haereà mai o te tamaiti, e ua ineine noa hoî o ia i te faatupu i te hoê ôroà ei òàðaraa no taua hoïraa mai ra.

Te tarai nei te taata i te tahi taime i te hoê Atua haavā e riàrià tei tītau, i te hoê taime fātata e aore ia ātea, ia faatitiāifarohia te mau òhipa i tupu na mā te faautuà tātaitahi i te taata ia au i ta na i rave na. E mea ê roa ia ta Ietu e faaite mai nei ia tātou ! Oia atoà ta Ioane e parau mai nei ia tātou, oia hoî aita te Metua e haavā nei i te taata, ua horoàhia rā te haavāraa i te Tamaiti ra, o tei horoà hoî i taua mana haavā ra i te mau taata tātaitahi : nā roto i te òhipa no te faarooraa i te Tamaiti e aore ia te òreraa e faaroo ia na, tei te reira taata tātaitahi te faaotiraa no to na iho oraraa e aore ia no to na iho pohe (ah. Ioane 5/22-24).

No reira, te vauvau nei te Faufaa Âpî i te mau hohoà e hāmanihia nei e tātou no te Atua, e te faaite mai nei ia na ei Metua tei haapaò i ta na mau tamarii, ei Metua fārii, ei Metua tei ineine noa i te faaâpî faahou i te oraraa, ei Metua tei faaroo i te pure a ta na mau tamarii !

2. E to mātou Metua...

E to mātou Metua i te ao ra

I te ômuaraa ra ihoā o teie pure a te Fatu, te heheuhia mai nei te Atua ei Metua no te mau taata e pure ra ia na, e te matara atoà mai ra te tiàraa tamarii o te feiā e faaòhipa i teie pure. Te haamanaò mai ra teie pure i te tiāmuraa i rotopū i te Atua Metua e ta na mau tamarii, oia hoî e pure teie na te mau tamarii a te Atua Metua. E aita atu hoî e rāvēa e matara ai te tiàraa metua o te Atua e te tiàraa tamarii o te taata faaroo, maoti rā nā roto ia ia Ietu Metia (Ioane 14/1-6) e te Vārua Moà (Taratia 4/1-6; Rōma 8/14-17).

Ia raa to òe iàa

Te auraa o te parau ra « raa », hoê ā ia e to te « moà », oia hoî « tei

faataahia ». E haamaitàraa teie na te mau tamarii a te Atua, ei tãpaò faaturaraa na rãtou i te metuaraa o te Atua, inaha i te « ìda », oia hoì i te « parau metua » a te Atua to rãtou i te riroraa mai ei mau tamarii na te Atua Metua. I roto i teie haamaitàraa e faaturaraa, o te ìda o te Atua Metua te òmuaraa e te faahopeàraa o te parau o ta na mau tamarii : òìdì roa tãtou i te ìte i ò nei e, te ìda o te Atua, o Ietu Metia ia, oia hoì o Èmanuera, te Atua i rotopū ia tãtou nã roto ia Ietu Metia (ah. Ìtaia 7/14 ; Mãtaio 1/23 ; Firipi 2/6-11).

Ia tae to òe ra Pãtireia

Ia haapaòhia to òe hinaaro i te fenua nei mai tei te raì atoà na

Te « Pãtireia » e te « hinaaro » o te Atua, e piti nã parau teie tei òre roa e tià ia faataaèhia te tahi i te tahi, no te mea no te Pãtireia i tupu ai te hinaaro metua o te Atua no ta na mau tamarii, e no te hinaaro o te Atua i tupu ai te Pãtireia metua no ta na mau tamarii. To na auraa ra :

- i rotopū i te mau tamarii a te Atua e ìtehia ai te mau tãpaò no te Pãtireia e te hinaaro o te Atua Metua : e tuhaa na rãtou te haapaòraa e te vai-ara-raa ia riro teie nei ao ei vãhi e ei tau no te faaìteraa i te metuaraa o te Atua ;

- aita te metuaraa o te Atua e te tiàraa o te mau tamarii i tãòtiàhia no teie anaè nei ao, no te mea i muri aè i teie ao, te vai ra ia te Pãtireia e te hinaaro metua o te Atua, e mai roto mai ia rãua, o te mau tamarii ia a te Atua.

3. Hō mai...

Hō mai i te mǎa e au ia mǎtou i te mau mahana atoà nei

Nã roto i teie aniraa mǎa, te haapāpū mai ra te pure a te Fatu e, te tǎàmuraa i rotopū i te Atua Metua e ta na mau tamarii i roto ia Ietu Metia, o te hoè ia tǎàmuraa no te mau mahana tǎatǎahi. E ara rǎ hoì tǎtou, òi tǎòtià noa tǎtou i teie tǎàmuraa i nià i te mǎa mǎteria anaè ra, mai tei parauhia atu i te faahema : « E òre te taata e ora i te pǎne anaè ra, i te mau mea atoà rǎ i haapaòhia e te Atua. » (Ruta Èv. 4/4)

No reira, eita teie aniraa e faaea i nià anaè i te mǎa mǎteria, e faaìte atoà rǎ o na i te hinaaro o te mau tamarii i ta rǎtou mǎa vǎrua no te mau mahana tǎatǎahi, oia o Ietu Metia (ah. Ioane 6/25-59).

E faaòre mai i ta mǎtou hara,

te faaòre nei hoì mǎtou i tei hara atoà ia mǎtou nei

I roto i teie aniraa no te faaòreraa hara, e mea tǎtauhia e ia ìte e ia fǎrii te taata e pure ra, i to na tiàraa taata hara i mua i te aro o te Atua. E e mea faufaa hoì ia mǎramarama maità tǎtou i te taaèraa o te hara e te hapa.

Te hara, o to te taata ia tāivaraa i te Atua, oia to te taata haamaïrira a i te Atua i roto i to na oraraa no te haamori i te mau metua ïtoro (Jeremia 2/27), oia to te taata ïmiraa i te mau rāvēa atoà ia raa i to na iho iōa, ia tupu to na iho pātireia e to na iho hinaaro, a riro atu ai o ia ei metua no na iho : o ta te Ture ia e faaïte mai ra i te mau taata atoà.

Te faaòreraa hara a te Atua, aita atu ia maoti rā ia pohe te taata hara i roto i te Metia i faatataurohia, e ia fānau faahou o ia ei tamarii i roto i te Metia i tiāfaahou mai, o te auraa ia no te parau rahi ra : *te tiā nei te Atua, te faa-taata-parautiā nei te Atua i te taata hara nā roto ia Ietu Metia* (Rōma 1/17; 3/21-30 ; Taratia 2/16-21).

Te hapa, o to te taata ia raveraa i te hoē òhipa hape i nià i te tahi atu taata. Te faaòreraa hape i ô nei, tei te taata ia i roohia e teie hape : e tiā ia na ia faaòre i te reira hape, e aore ia e tiā ia na ia ani ia tātāfhia te reira hape.

I te mea e e ìtehia te tāmuraa o te Atua Metua e ta na mau tamarii i roto i te faaòreraa hara, te titau-atoà-hia mai ra ia e ia ìte-atoà-hia te autaeaèraa i rotopū i te mau tamarii a te Atua Metua, nā roto i to teie mau tamarii aroharaa ia rātou rātou iho e tae noa atu ia vètahi ê.

*Eiaha e faaruè ia mātou e ia roohia-noa-hia mai e te àti,
e faaora rā ia mātou i te ìno*

Te haamanaò mai nei teie tuhaa e, i roto i te mau àti e te mau ìno e faaruruhia nei e to te huifaaroo, eita te Atua Metua e hiò mata noa mai i ta na mau tamarii i roohia-noa-hia e teie mau huru māuiui. Teie nei rā, mai te mea e e te tauturu mai nei te Atua Metua i ta na mau tamarii ia matara rātou i rāpae i to rātou mau àti e mau ìno, tei ta na atoà ia mau tamarii te òreraa e haamoè ia na, te òreraa e faaruè ia na.

Inaha, eere ānei e te vai ra tei faaruè roa i te Atua o te Èvaneria, i te taime a topa ai i roto i te tahi mau àti teimaha ?

No reira, te haamanò mai nei teie tuhaa parau rahi e, eere na te mau àti e te mau ìno e tāpū i te tāmuraa i rotopū i te Atua Metua e ta na mau tamarii (ah. Rōma 8/31-39). Tei te mau tamarii rā te faaitoitoraa i te tūāparau i te Atua Metua, e te fāiiraa hoï i te Vārua faatiāmā e te faatupu ora e horoàhia mai ra nā roto ia Ietu Metia (Ruta Èv. 11/5-13).



Fā : *Haamātau i te tamarii i te haamauruuru i te Atua.*

E TE ATUA E, MAURUURU NO TO Û MĀMĀ.

Mauhaa : *Hohoà, taira no te tāūraa, e te himene.*

Te tuhaa a te Òrometua Pupu

1. Ia au i tei maraa ia òe, e ia au i te huru o te vāhi e orahia ra e òutou, faaineine i te hohoà e te mau taira no te tāūraa na te mau tamarii, e tae noa atu i te tahi mau himene òhie i teie huru fāito tamarii ia himene.


2. Mai te tauturuhia e te mau uiūraa (e faaravaì mai i te reira) :
O vai te ìda o to òe Māmā ?
E aha ta na òhipa ?

a faanaho i te haapiīraa no te haamatara i te pure ra :





E TE ATUA E, MAURUURU NO TO Û MĀMĀ.



Fā : *Haamātau i te tamarii i te haamauruuru i te Atua.*

E TE ATUA E, MAURUURU NO TO Û PĀPĀ.

Mauhaa : *Hohoà, taira no te tãûraa, e te himene.*

Te tuhaa a te Òrometua Pupu


1. Ia au i tei maraa ia òe, e ia au i te huru o te vāhi e orahia ra e òtoutou, faaineine i te hohoà e te mau taira no te tãûraa na te mau tamarii, e tae noa atu i te tahi mau himene ôhie i teie huru fãito tamarii ia himene.

*2. Mai te tauturuhia e te mau uiuiraa (e faaravaì mai i te reira) :
O vai te ìa o to òe Pāpā ?
E aha ta na òhipa ?
a faanaho i te haapiiraa no te haamatara i te pure ra :*





E TE ATUA E, MAURUURU NO TO Û PĀPĀ.



Fā : *Haamātau i te tamarii i te haamauruuru i te Atua.*

E TE ATUA E, MAURUURU NO TO Û TUAANE, TUAHINE, TEINA.

Mauhaa : *Hohoà, taira no te tãûraa, e te himene.*

Te tuhaa a te Ôrometua Pupu


- 1. Ia au i tei maraa ia òe, e ia au i te huru o te vāhi e orahia ra e òtoutou, faaineine i te hohoà e te mau taira no te tãûraa na te mau tamarii, e tae noa atu i te tahi mau himene ôhie i teie huru fãito tamarii ia himene.*
- 2. Mai te tauturuhia e te mau uiûiraa (e faaravaî mai i te reira) :
no te mau tuaane, tuahine, teina e to rãtou mau iòaa,
a faanaho i te haapiiraa no te haamatara i te pure ra :*



*E TE ATUA E,
MAURUURU NO TO Û
ÂMENE.*



E TE ATUA E, MAURUURU NO TO Û TUAANE, TUAHINE, TEINA.



TAMAHOU

N°4

E te Atua e, mauruuru

TE ÛTUAFARE

Fā : *Haamātau i te tamarii i te haamauruuru i te Atua.*

E TE ATUA E, MAURUURU NO TO Û MAU HOA.

Mauhaa : *Hohoà, taira no te tāūraa, e te himene.*

Te tuhaa a te Òrometua Pupu

1. *Ia au i tei maraa ia òe, e ia au i te huru o te vāhi e orahia ra e òtōu, faaineine i te hohoà e te mau taira no te tāūraa na te mau tamarii, e tae noa atu i te tahi mau himene òhie i teie huru fāito tamarii ia himene.*


2. *Mai te tauturuhia e te mau uuiiraa (e faaravaì mai i te reira) :
no te mau hoa e to rātou mau iòà,
a faanaho i te haapiiraa no te haamatara i te pure ra :*




E TE ATUA E,

MAURUURU NO TO Û MAU HOA

ÂMENE.



E TE ATUA E, MAURUURU NO TO Û MAU HOA.



Fā : *Haamātau i te tamarii i te haamauruuru i te Atua.*

E TE ATUA E, MAURUURU NO TO Û MAU FĒTII.

Mauhaa : *Hohoà, taira no te tãûraa, e te himene.*

Te tuhaa a te Òrometua Pupu

1. *Ia au i tei maraa ia òe, e ia au i te huru o te vāhi e orahia ra e òutou, faaineine i te hohoà e te mau taira no te tãûraa na te mau tamarii, e tae noa atu i te tahi mau himene ôhie i teie huru fãito tamarii ia himene.*

2. *Mai te tauturuhia e te mau uiuiraa (e faaravaì mai i te reira) :
no te mau fētii e to rātou mau ìa,
a faanaho i te haapiiraa no te haamatara i te pure ra :*



*E TE ATUA E,
MAURUURU NO TO Û MAU FĒTII.
ÂMENE.*



E TE ATUA E, MAURUURU NO TO Û MAU FĒTII.

Fā : *Ia ìte te tamarii e e Metua te Atua no te mau taata tei fārii ia na nā roto ia Ietu Metia.*

Mauhaa : Pipīria, taiòraa, uiuiraa, e te àpi parau.

Faanahoraa ìhihaapii


1. Taiòraa

E faatere i te taiòraa i faanahohia (Pipīria e aore ia tei pāpaihia e te Òrometua Pupu i nià i te tahi àpi parau). Na òe e tauturu i te mau tamarii i mua i te tahi mau taò tei òre i māmaramahia e rātou.

2. Uiuiraa e tãuàparauraa

- O vai mā te mau taata e faahitihia ra i roto i ta tātou taiòraa :
O vai teie e parau nei, e e haapii nei ?
O vai mā teie e parauhia nei, e e haapiihia nei ?
- E aha ta teie pure e haapii mai nei ia tātou ? *O te Atua to tātou Metua nā roto ia Ietu Metia.*
- E rave i te tahi tãuàparauraa i nià i te tiàraa *Metua o te Atua*, e te faufaa no teie pure i roto i te oraraa faaroo.

3. Poroìraa



E PARAU ÒAÒA TA TE PURE A TE FATU
 E HAAPII MAI NEI IA TĀTOU,
 OIA HOÌ
 O TE ATUA TO TĀTOU METUA
 NĀ ROTO IA IETU METIA.

4. Faaòhiparaa

To ù Aratai : Tāmau i te pure a te Fatu ia au i te Mātaio 6/9-13.

Tiàrama : Mai te tauturuhia mai e ta òe Pipīria, a faaî i te mau ārea i muri nei :

– E te Fatu, a haapii mai ia mātou i te pure, mai ia Ioane i haapii atoà i ta na ra mau pipi.

2 Ua parau atu ra o ia ia rātou :

– E nā ô òutou ia pure :

« E to mātou _____ i te ao ra,
ia raa to òe _____.

Ia tae to òe ra _____.

Ia haapaòhia to òe _____ i te fenua nei mai
tei te rai atoà na.

3 Hō mai i te _____ e au ia mātou i te mau _____
atoà nei.

4 E faaòre mai i ta mātou _____,
te faaòre nei hoì _____ i tei hara atoà ia mātou nei.

Eiaha e _____ ia mātou e ia roohia-noa-hia mai
e te àti ;

e faaora rā ia mātou i te _____ . »

Fā : *Ia ìte te tamarii e e Metua te Atua no te mau taata tei fārii ia na nā roto ia Ietu Metia : ìrava 2.*

Mauhaa : Pipīria, taiòraa, uiuiraa, e te àpi parau.

Faanahoraa ìhihaapii

1. Taiòraa


E faatere i te taiòraa i faanahohia (Pipīria e aore ia tei pāpaihia e te Òrometua Pupu i nià i te tahi àpi parau).

Haamanaòraa i te haapiiraa n°1.

E taiò faahou i te ìrava 2.

2. Uiuiraa e tãuàparauraa

- I te ômuaraa o teie nei pure, ua parau Ietu : « E to matou Metua ». No te aha ? *Tũàtiraa o te Atua Metua e te taata e pure atu nei ia na.*
- E rave i te tahi tãuàparauraa i nià i te tũàtiraa o te Atua Metua e te taata nā roto ia Ietu Metia (mā te tauturuhia e teie hohoà i muri nei).



- E aha atu ā ta Ietu i parau ?

Ia raa to òe ra ìða : oia hoì eiaha te ìða o te Atua ia moèhia i te taata e pure ra ia na, eiaha ia moèhia i roto i to na oraraa no te mau mahana tātaitahi.

Ia tae to òe ra Pātireia.

Ia haapaòhia to òe hinaaro i te fenua mai tei te rai atoà na.

Ua faanaho te Atua Metua i te hoê ao âpî no te mau taata i tiâturi ia na nā roto ia Ietu Metia. E e hinaaro metua no te Atua ia fānaò te taata i teie Pātireia, tei te taata atoà rā i te haapaòraa e te faaiteraa i teie hinaaro o te Atua Metua i roto i to na oraraa.


3. Poroïraa



4. Faaòhiparaa

To ù Aratai : A pāpai mai i te pūðiraa o teie pure :

Tiàrama : Haapāpai i te ìrava 2.



Fā : *Ia ìte te tamarìi e e Metua te Atua no te mau taata tei fārii ia na nā roto ia Ietu Metia : ìrava 3.*

Mauhaa : Pipīria, taiòraa, uiuiraa, e te àpi parau.

Faanahoraa ihahaapii

1. Taiòraa

E faatere i te taiòraa i faanahohia (Pipīria e aore ia tei pāpāihia e te Òrometua Pupu i nià i te tahi àpi parau).

Haamanaòraa i te haapiiraa n°2.

E taiò faahou i te ìrava 3.

2. Uiuiraa e tãuàparauraa


- Faatupu i te tahi uiuiraa e tãuàparauraa i nià i te mau parau no te :
 - *hō mai* : horoà mai mā te hoo òre ;
 - *i te māa* : māa tino (no te tupu-maitaì-raa o te tino) e māa vārua (oia o Ietu Metia no te hoturaa o te mau tamarìi) ;
 - *e au ia mātou* : mātou ta òe mau tamarìi ;
 - *i te mau mahana atoà* : no te mea i te mau mahana atoà o òe to mātou Metua, e o mātou ta òe mau tamarìi.
- E rave i te tahi tãuàparauraa i nià i te faufaa no Ietu Metia ei māa vārua no te mau tamarìi a te Atua :
 - ia òre teie māa vārua, e moè-atoà-hia te Atua, e e moè-atoà-hia te ràì àpī e te fenua àpī ta na i rahu no ta na mau tamarìi ; ei reira ia te taata e ora noa ai no te faatupu i to na iho hinaaro, i to na iho pātireia ;
 - maoti teie māa vārua e pāutuutu ai te tūàtiraa i rotopū i te Atua Metua e ta na mau tamarìi, e e rahi ai te òaòà o te mau tamarìi a te Atua.

3. Poroīraa


*I ROTO I TO TĀTOU ORARAA FAAROO,
O IETU METIA TA TĀTOU MĀA VĀRUA
NO TE MAU MAHANA TĀTAĪTAHI.*

4. Faaðhiparaa

To ù Arataì : A faaì mai i teie mau âfata :



Tiàrama : Haapāpai i te ìrava 3, e e tãuàparau i te mau taime e tià ia tātou ia pure i te Atua to tātou Metua : *Poipoi, avatea, ahiahi, pō, te mau taime àti, te mau taime òàòà, etv...*



Fā : *Ia ìte te tamarii e e Metua te Atua no te mau taata tei fārii ia na nā roto ia Ietu Metia : ìrava 4 (tuhaa mātāmua).*

Mauhaa : Pipīria, taiòraa, uiuiraa, e te àpi parau.

Faanahoraa ìhihaapii

1. Taiòraa

E faatere i te taiòraa i faanahohia (Pipīria e aore ia tei pāpāihia e te Òrometua Pupu i nià i te tahi àpi parau).


Haamanaòraa i te haapiiraa n°3.

E taiò faahou i te ìrava 4 (tuhaa mātāmua) :

E faaòre mai i ta mātou hara,
te faaòre nei hoì mātou i tei hara atoà ia mātou nei.

2. Uuiraa e tãuàparauraa

- Faatupu i te tahi uiuiraa e tãuàparauraa i nià i te mau parau no te :
 - *hape* : o te hoê òhipa tano òre ta te hoê taata e rave i nià i te tahi atu taata ; e mea titauihia i te taata i hape ia tātāf i to na hape mai te peu eita te taata i hapehia atu e faaòre mai i te reira hape.
 - *te hara* : o to te taata ia haamoèraa i te parau o te Atua i roto i to na oraraa, o to te taata ia faariroraa ia na iho ei atua no na iho, ei metua no na iho ; nā roto ia Ietu Metia, e faaòre te Atua Metua i teie hara mā te faaāpī i te taata hara ei tamarii na na, ei taata āpī, ei taata tei faaauihia no to na ra Pātireia.
- E rave i te tahi tãuàparauraa i nià i te faufaa no te matararaa o te hara nā roto ia Ietu :
 - ia òaòa te mau tamarii a te Atua i te oraraa ei mau tamarii tei faatiāmāhia no te hoê oraraa āpī ;
 - ia òaòa te mau tamarii a te Atua i te faaòre-atoà-raa i te mau hape a tei hape mai i nià ia rātou.



Fā : *Ia ìte te tamarii e e Metua te Atua no te mau taata tei fārii ia na nā roto ia Ietu Metia : ìrava 4 (tuhaa hopeà).*

Mauhaa : Pipīria, taiòraa, uiuiraa, e te àpi parau.

Faanahoraa ihahaapii

1. Taiòraa

E faatere i te taiòraa i faanahohia (Pipīria e aore ia tei pāpāihia e te Òrometua Pupu i nià i te tahi àpi parau).

Haamanaòraa i te haapiiraa n°4.


E taiò faahou i te ìrava 4 (tuhaa hopeà).

Eiaha e faaruè ia mātou e ia roohia-noa-hia mai e te àti ;
e faaora rā ia mātou i te ìno.

2. Uuiraa e tãuàparauraa

- Faatupu i te tahi uiuiraa e tãuàparauraa i nià i te mau parau no te :
 - *to te taata faaruèraa i te Atua i te taime a roohia ai i te mau àti teimaha* : I faaruèhia ai te Atua, no te mea ia aita te taata e ìte faahou ra i te Atua ei Metua nā roto ia Ietu Metia ; i ò nei, te ùpootià nei ia te àti i nià i te taata
 - *to te taata haamanaò-tāmau-raa i te Atua* : o te huru ia no te taata tei tiàturi pāpū i te Atua Metua, e tei òre i fārii ia upootià te àti i nià ia na.
- E rave i te tahi tãuàparauraa i nià i te faufaa no te tiàturiraa i te Atua Metua nā roto ia Ietu i roto i te mau taime àti e māuiui :
 - eiaha te àti ia riro ei mauhaa no te haamoè i te Atua Metua;
 - ia haamanaò te mau tamarii, e e aroha mai e e tauturu mai te Atua Metua ia rātou i roto i to rātou mau àti.

3. Poroïraa



4. Faaòhiparaa

To ù Arataì :


Tuuraa piri :

1. E peho vau : _____
2. Eita vau e pohe : _____
3. To Ietu tere i roto i teie nei ao : _____

Tiàrama :

Tāuàparau i te mau tamarii i te mau àti e rave rahi e faaruruhia nei e rātou i roto i to rātou oraraa, e te àti hoì e tupu nei nā te ao tāatoà nei, *mā te faaitoito ia rātou i te pure e te tiāturi i te tauturu a te Atua to tātou Metua nā roto ia Ietu Metia.*

Hiò faahou i te pure a te Fatu ia au i te Mātaio 6/9-13.



Fā : *Ia ìte te tamarii e e Metua te Atua no te mau taata tei fārii ia na nā roto ia Ietu Metia :*

TE TIÀRAA METUA O TE ATUA.

Mauhaa : Pipīria e te àpi parau.

Faanahoraa ìhihaapii

1. Te tuhaa a te Òrometua Pupu

1.1. Ia au i te fāito o ta òe mau tamarii matahiapo, na òe e faanaho i te tuhaa no te taiòraa pipīria mā te faaòhipa i te tahi mau uuiiraa no te haamāramarama i te mau parau rarahi e vai ra.

1.2. No teie haapiiraa n°1 :

- E haamatara māite i te parau no te Atua Metua, oia te metuaraa o te Atua e heheuhia mai ra e teie pure a te Fatu : o tei pure i teie pure, te fārii ra ia o ia i te Atua ei Metua no na nā roto ia Ietu Metia.

- E rave i te tahi tãuàparauraa i nià i te faufaa o teie pure i roto i te oraraa faaroo o te mau tamarii a te Atua.

2. Te tahi maa tauturu no teie haapiiraa

Teie te tahi maa haapiiraa tei haamauhia i nià i te parau no te tiàraa metua o te Atua nā roto ia Ietu Metia :

Te Atua e haere mai nei e fārerei ia tātou nā roto ia Ietu Metia, te pūpū mai nei o ia ia na ia ìthia o ia nā roto i te hohò o te hoê Metua e hinaaro nei e haafānau i te taata tātaitahi ei tamaiti e aore ia ei tamahine tiāmā. Eere te metuaraa o te Atua i te hoê metua faatitī, eere hoì i te hoê metua haavī, o te hoê rā Metua e faaitē mai i te hoê parau tei faatiāmā e tei tuu i ta na mau tamarii tātaitahi i roto i te hoê oraraa tiāmā. Aita te Atua e faahepo mai nei i te tahi mau aratairaa mōrare ètaèta ; aita o ia e hinaaro nei e faautuà i te

mau hape nā roto i te hoê haereà haamā e te maoro hoî. I roto i te Ruta Èv. 15/11-32, te tià nei te Atua Metua i te ùputa o te fare, a tiaiaì noa ai i te haereà mai o te tamaiti, e ua ineine noa hoî o ia i te faatupu i te hoê ôroà ei òàðaraa no taua hoîraa mai ra.

— Te tarai nei te taata i te tahi taime i te hoê Atua haavā e riàrià tei tîtau, i te hoê taime fātata e aore ia ātea, ia faatitāifarahia te mau òhipa i tupu na mā te faautuà tātaitahi i te taata ia au i ta na i rave na. E mea ê roa ia ta Ietu e faaite mai nei ia tātou ! Oia atoà ta Ioane e parau mai nei ia tātou, oia hoî aita te Metua e haavā nei i te taata, ua horoàhia rā te haavāraa i te Tamaiti ra, o tei horoà hoî i taua mana haavā ra i te mau taata tātaitahi : nā roto i te òhipa no te faarooraa i te Tamaiti e aore ia te òreraa e faaroo ia na, tei te reira taata tātaitahi te faaotiraa no to na iho oraraa e aore ia no to na iho pohe (ah. Ioane 5/22-24).

No reira, te vauvau nei te Faufaa Âpî i te mau hohoà e hāmanihia nei e tātou no te Atua, e te faaite mai nei ia na ei Metua tei haapaò i ta na mau tamarii, ei Metua fārii, ei Metua tei ineine noa i te faaâpî faahou i te oraraa, ei Metua tei faaroo i te pure a ta na mau tamarii !

3. No te haapiiraa n°2

E ani i te mau tamarii ia taiò mai i te Ruta Èv. 15/11-32, e ia hiò i te huru o te metua tāne i mua i ta na nā tamaiti toopiti, e tae noa atu i te huru o teie nā tamaiti i mua i to rāua metua tāne.



Fā : *Ia ìte te tamarii e e Metua te Atua no te mau taata tei fārii ia na nā roto ia Ietu Metia :*

*E TO MĀTOU METUA I TE AO RA
IA RAA TO ÒÈ IÒÀ
IA TAE TO ÒÈ RA PĀTIREIA
IA HAAPAÒHIA TO ÒÈ HINAARO
I TE FENUA NEI MAI TEI TE RAÌ ATOÀ NA.*

Mauhaa : Pipīria e te àpi parau.

Faanahoraa Ihihaapii

1. Te tuhaa a te Òrometua Pupu

1.1. Ia au i te fāito o ta òe mau tamarii matahiapo, na òe e faanaho i te tuhaa no te tahi tãuàparauraa poto noa no te âamu o te metua tãne e ta na nā tamarii toopiti (Ruta Èv. 15/11-32), ei haamatara i te parau no te aroha o te Atua Metua nā roto ia Ietu Metia, oia e fārii i tei haere ê ia hoì faahou mai i te ùtuafare metua.

1.2. No teie haapiiraa n°2 :

- E haamatara māite i teie tuhaa no te pure a te Fatu e parau nei :

E to mātou Metua i te ao ra

Ia raa to òe iòà

Ia tae to òe ra Pātireia

Ia haapaòhia to òe hinaaro

i te fenua nei mai tei te raì atoà na.

- E rave i te tahi tãuàparauraa i nià i te faufaa no teie tuhaa o te pure a te Fatu i roto i te oraraa faaroo.

2. Te tahi maa tauturu no teie haapiiraa

Teie te tahi maa haapiiraa tei haamauhia i nià i te parau no teie tuhaa no te pure a te Fatu :

E to mātou Metua i te ao ra

I te ômuaraa ra ihoā o teie pure a te Fatu, te heheuhia mai nei te Atua ei Metua no te mau taata e pure ra ia na, e te matara atoā mai ra te tiāraa tamarii o te feiā e faaōhipa i teie pure. Te haamanaō mai ra teie pure i te tāāmuraa i rotopū i te Atua Metua e ta na mau tamarii, oia hoì e pure teie na te mau tamarii a te Atua Metua. E aita atu hoì e rāveà e matara ai te tiāraa metua o te Atua e te tiāraa tamarii o te taata faaroo, maoti rā nā roto ia ia Ietu Metia (Ioane 14/1-6) e te Vārua Moà (Taratia 4/1-6; Rōma 8/14-17).

Ia raa to òe iò

Te auraa o te parau ra « raa », hoē ā ia e to te « moà », oia hoì « tei faataahia ». E haamaitāraa teie na te mau tamarii a te Atua, ei tāpaō faaturaraa na rātou i te metuaraa o te Atua, inaha i te « iò », oia hoì i te « parau metua » a te Atua to rātou i te rirōraa mai ei mau tamarii na te Atua Metua. I roto i teie haamaitāraa e faaturaraa, o te iò o te Atua Metua te ômuaraa e te faahopeāraa o te parau o ta na mau tamarii : òiò roa tātou i te ite i ô nei e, te iò o te Atua, o Ietu Metia ia, oia hoì o Èmanuera, te Atua i rotopū ia tātou nā roto ia Ietu Metia (ah. Ìtaia 7/14 ; Mātaio 1/23; Firipi 2/6-11).

Ia haapaōhia to òe hinaaro i te fenua nei mai tei te rai atoā na

Te « Pātireia » e te « hinaaro » o te Atua, e piti nā parau teie tei òre roa e tiā ia faataaēhia te tahi i te tahi, no te mea no te Pātireia i tupu ai te hinaaro metua o te Atua no ta na mau tamarii, e no te hinaaro o te Atua i tupu ai te Pātireia metua no ta na mau tamarii. To na auraa ra :

- i rotopū i te mau tamarii a te Atua e ìehia ai te mau tāpaō no te Pātireia e te hinaaro o te Atua Metua : e tuhaa na rātou te haapaōraa e te vai-ara-raa ia riro teie nei ao ei vāhi e ei tau no te faaiteraa i te metuaraa o te Atua ;

- aita te metuaraa o te Atua e te tiāraa o te mau tamarii i tāōtiāhia no teie anaè nei ao, no te mea i muri aè i teie ao, te vai ra ia te Pātireia e te hinaaro metua o te Atua, e mai roto mai ia rāua, o te mau tamarii ia a te Atua.

3. No te haapiiraa n°3

E ani i te mau tamarii ia taiò mai i te Mātaio 6/5-15, e ia hiò i te mau faaravaïraa ta teie pure e horoà mai nei.

Fā : *Ia ìte te tamarii e e Metua te Atua no te mau taata tei fārii ia na nā roto ia Ietu Metia :*

HŌ MAI I TE MĀA E AU IA MĀTOU I TE MAU MAHANA ATOÀ NEI.

Mauhaa : Pipīria e te àpi parau.

Faanahoraa ìhihaapii

1. Te tuhaa a te Òrometua Pupu

1.1. Ia au i te fāito o ta òe mau tamarii matahiapo, na òe e faanaho i te tuhaa no te tahi tāuàparauraa poto noa no te faaravaìraa e horoàhia mai ra, no teie pure a te Fatu, e Mātaio 6/5-15.

1.2. No teie haapiiraa n°3 :

- E haamatara māite i teie tuhaa no te pure a te Fatu e parau nei :

Hō mai i te māa e au ia mātou i te mau mahana atoà nei

- E rave i te tahi tāuàparauraa i nià i te faufaa no te mau aniraa a te mau tamarii a te Atua no te mau maitai tino e te mau maitai vārua, ei haamatara-faahou-raa i roto i te tiaturiraa o te mau tamarii e, o Ietu Metia ta tātou māa vārua e au no te mau mahana tātaìtahi,

ei haamanaðraa i te parau no te fānaðraa i teie māa vārua i roto i te pure, te pāpetitoraa, te òroà èuhari, te taiðraa pipīria, te mau haapiiraa faaroo, e te mau faaiteraa e tāviniraa ;

oia hoì eiaha te mau maitai tino ia riro ei mauhaa no te haamoè e o Ietu Metia te māa vārua i faataahia mai na tātou ta na mau tamarii.

2. Te tahi maa tauturu no teie haapiiraa

Teie te tahi maa haapiiraa tei haamauhia i nià i te parau no teie tuhaa no te pure a te Fatu :


Hō mai i te māa e au ia mātou i te mau mahana atoà nei

Nā roto i teie aniraa māa, te haapāpū mai ra te pure a te Fatu e, te tāāmuraa i rotopū i te Atua Metua e ta na mau tamarii i roto ia Ietu Metia, o te hoē ia tāāmuraa no te mau mahana tātāitahi. E ara rā hoī tātou, òi tāōtiā noa tātou i teie tāāmuraa i niā i te māa māteria anaè ra, mai tei parauhia atu i te faahema : « E òre te taata e ora i te pāne anaè ra, i te mau mea atoà rā i haapaōhia e te Atua. » (Ruta Èv. 4/4)

No reira, eita teie aniraa e faaea i niā anaè i te māa māteria, e faaite atoà rā o na i te hinaaro o te mau tamarii i ta rātou māa vārua no te mau mahana tātāitahi, oia o Ietu Metia (ah. Ioane 6/25-59).

3. No te haapiiraa n°4

E ani i te mau tamarii ia ìmi mai i te auraa o te hara e to te hape (hapa), e ia faaite mai i te taaēraa e vai ra i rotopū i teie nā parau.



Fā : *Ia ìte te tamarii e e Metua te Atua no te mau taata tei fārii ia na nā roto ia Ietu Metia :*

*E FAAÒRE MAI I TA MĀTOU HARA,
TE FAAÒRE NEI HOÌ MĀTOU
I TEI HARA ATOÀ IA MĀTOU NEI*

Mauhaa : Pipīria e te àpi parau.

Faanahoraa ìhihaapii

1. Te tuhaa a te Òrometua Pupu

1.1. Ia au i te fāito o ta òe mau tamarii matahiapo, na òe e faanaho i te tuhaa no te tahi tāuàparauraa poto noa no te auraa e te taaèraa o te hara e te hape.

1.2. No teie haapiiraa n°4 :

- E haamatara māite i teie tuhaa no te pure a te Fatu e parau nei :

*E faaòre mai i ta mātou hara,
te faaòre nei hoì mātou i tei hara atoà ia mātou nei*

- E haamāramarama māite i te auraa o te hara e to te hape :

*te hara, o te tiàraa ia o te taata e tāiva nei i te Atua,
àrèa te hape, o te hoè ia òhipa tià òre i ravehia e te taata i*

nià i te tahi atu taata ê ;

*i te Atua anaè te hara e matara ai nā roto ia Ietu Metia,
àrèa te hape, tei te taata tei reira i te faaàfaroraa.*

2. Te tahi maa tauturu no teie haapiiraa

Teie te tahi maa haapiiraa tei haamauhia i nià i te parau no teie tuhaa no te pure a te Fatu :

E faaòre mai i ta mātou hara, te faaòre nei hoì mātou i tei hara atoà ia mātou nei

I roto i teie aniraa no te faaòreraa hara, e mea tītauhia e ia ìte e ia fārii te taata e pure ra, i to na tiàraa taata hara i mua i te aro o te Atua. E e mea faufaa hoì ia māmarama maitai tātou i te taaèraa o te hara e te hapa.

Te hara, o to te taata ia tāivaraa i te Atua, oia to te taata haamaìrira i te Atua i roto i to na oraraa no te haamori i te mau metua ìtoro (Jeremia 2/27), oia to te taata ìmiraa i te mau rāveà atoà ia raa i to na iho iòà, ia tupu to na iho pātireia e to na iho hinaaro, a riro atu ai o ia ei metua no na iho : o ta te Ture ia e faaìte mai ra i te mau taata atoà.

Te faaòreraa hara a te Atua, aita atu ia maoti rā ia pohe te taata hara i roto i te Metia i faatataurohia, e ia fānau faahou o ia ei tamarii i roto i te Metia i tiàfaahou mai, o te auraa ia no te parau rahi ra : *te tià nei te Atua, te faa-taata-parautià nei te Atua i te taata hara nā roto ia Ietu Metia* (Rōma 1/17; 3/21-30 ; Taratia 2/16-21).

Te hapa, o to te taata ia raveraa i te hoè òhipa hape i nià i te tahi atu taata. Te faaòreraa hape i ô nei, tei te taata ia i roohia e teie hape : e tià ia na ia faaòre i te reira hape, e aore ia e tià ia na ia ani ia tātāñhia te reira hape.

I te mea e e ìtehia te tāmura a o te Atua Metua e ta na mau tamarii i roto i te faaòreraa hara, te tītau-atoà-hia mai ra ia e ia ìte-atoà-hia te autaeaèraa i rotopū i te mau tamarii a te Atua Metua, nā roto i to teie mau tamarii aroharaa ia rātou rātou iho e tae noa atu ia vētahi ê.

3. No te haapiiraa n°5

E ani i te mau tamarii ia taiò mai i te Rōma 8/31-39.



Fā : *Ia ìte te tamarii e e Metua te Atua no te mau taata tei fārii ia na nā roto ia Ietu Metia :*

*EIAHA E FAARUÈ IA MĀTOU
E IA ROOHIA-NOA-HIA MAI E TE ÀTI,
E FAAORA RĀ IA MĀTOU I TE ÌNO.*

Mauhaa : Pīpīria e te àpi parau.

Faanahoraa ìhihaapii

1. Te tuhaa a te Òrometua Pupu

1.1. Ia au i te fāito o ta òe mau tamarii matahiapo, na òe e faanaho i te tuhaa no te tahi tãuàparauraa poto noa no te parau rahi a te Rōma 8/31-3 : Eita te Atua Metua e faaruè i ta na mau tamarii i roto i to rātou mau àti e mau ahoaho.

1.2. No teie haapiiraa n°5 :

*- E haamatara māite i teie tuhaa no te pure a te Fatu e parau nei :
Eiaha e faaruè ia mātou e ia roohia-noa-hia mai e te àti,
e faaora rā ia mātou i te ìno*

- E rave i te tahi tãuàparauraa i nià i te mau àti e te mau māuiui e fārereihia nei e te taata i roto i teie nei ao : veve, hāmani-ino-raa taata, ture-òre-raa te tiàraa-mana o te taata, mai, maa òre, òhipa òre, etv.

E mai reira, a haamanaò ai i te parau o te feiā e fāriu i te Atua no te ani i te tauturu, e tae noa atu i te mau taata tei òre e tiāturi faahou i te Atua nā roto i te teimaharaa o to rātou mau àti, mau hepohepo, etv.

- E tano atoà e faataa i te tahi maa taime no te hiò-āmui-raa mai i te parau no teie pure a te Fatu, to na faufaa i roto i to tātou oraraa faaroo no te mau mahana tātaitahi.

2. Te tahi maa tauturu no teie haapiiraa

Teie te tahi maa haapiiraa tei haamauhia i nià i te parau no teie tuhaa no te pure a te Fatu :

*Eiaha e faaruè ia mātou e ia roohia-noa-hia mai e te āti,
e faaora rā ia mātou i te ìno*

Te haamanà mai nei teie tuhaa e, i roto i te mau āti e te mau ìno e faaruruhia nei e to te huifaaroo, eita te Atua Metua e hiò mata noa mai i ta na mau tamarii i roohia-noa-hia e teie mau huru māuiui. Teie nei rā, mai te mea e e te tauturu mai nei te Atua Metua i ta na mau tamarii ia matara rātou i rāpae i to rātou mau āti e mau ìno, tei ta na atoà ia mau tamarii te òreraa e haamoè ia na, te òreraa e faaruè ia na.

Inaha, eere ānei e te vai ra tei faaruè roa i te Atua o te Èvaneria, i te taime a topa ai i roto i te tahi mau āti teimaha ?

No reira, te haamanà mai nei teie tuhaa parau rahi e, eere na te mau āti e te mau ìno e tãpū i te tãamuraā i rotopū i te Atua Metua e ta na mau tamarii (ah. Rōma 8/31-39). Tei te mau tamarii rā te faaitoitoraa i te tãuàparau i te Atua Metua, e te fāriiraā hoì i te Vārua faatiāmā e te faatupu ora e horoàhia mai ra nā roto ia Ietu Metia (Ruta Èv. 11/5-13).

3. No te haapiiraā n°1 no te *Parau i riro mai ei Taata i roto ia Ietu Metia*

E ani i te mau tamarii ia taiò mai i te Ioane 1/1-14.